

HISTOR ADMIRABLE



DEMEUZ

AR BOUDEDEO

Pehini aboue maro hor Zalver, ne ra nemet bale noz ha deiz ac'hann da fin ar bed, abalamour d'an effronteri en devoa bet en andret hor Zalver Jesus-Christ, pehini, pa voa o vont d'ar maro a faivezaz dezan diskuiza var e stal, hag e feuz d'en rebuti evel eur scelerat.

Var don : GWERZ SANTEZ-ANNA

Asistanted enorabl, tostait da glevet
Ar vuez pitoyapla a voe biskoaz ar bed ;
An histor zo truezuz demeuz ar boudedeo,
A zo noz-deiz o vale aboue hor Zalver maro.

Ruz a tribu Neptali, ha ker Jerusalem,
Voa ganet Absarius, karget a anathem ;
Dond a ra ar bed-man en amzer Herodes,
A felveas masakri Jesus, Mab ar Verc'hez.

Va zad a voa eur c'halve, va mam kemenerez,
Hag a laboure en templ da ober broderez ;
Ha va c'herent am deskaz da len leor al lezen,
Hag hini ar profetet ivez a dra serten.

Goude e voen demecet gant va c'herent afin,
Da eur vreg fur ha prudant a tribu Benjamin,
A bini 'm boa tri bugel en amzer ma teuz
Aotrou Sant-Yan Badezour d'annons ar messias.

Sant-Yan a convertissas kalz euz ar baianed
Pere voa idolaret, kaledet er pec'hed :
Dek mil den en eun devez en devez badeet
Me, va greg, va Eugale e voamp bet o velet.

Va greg a lavaraz d'in : va fried emezi,
Lekomp en em vadezi, ennont e ar Messi
Ha me o respont d'ezi gant eun ear direspet :
Na ni nak hor bugale na vimp ket badeet,

Aben eun neubeut goude Sant-Yan voe dibennet
Dre urz roue Herodes eun den kruek meurbet,
Ha ma teuz hor Zalver evit ren en e blas
Hag a raz dre ar c'hanton kalz a viraklou braz.

Klevet e meuz bet Jesus alies o sermon,
Hep ne meuz bet profitet euz e bredikation ;
Va-unan e voa present p'en doa rassaziet
Dek mil den, gant pemp para ha goudeze pesket.

Me Boudedeo maleurus a velas c'hoas souden
Jesus o ressusita Lazar, breur Madalen,
Ha gulet dibossedi kalz a dud possedet,
Ha sivoas din pec'her bras, ne meuz tam profitet.

Aben eun neubeut goude voe Jesus kemeret
Gant kalz euz ar Judevien er jardin Olivet,
Ha kondaonet gant Pilat da rankout da zougen
Ar groas pouner ha mezuz evit ar bec'herien.

Pa voe ar groas achuet, hor Zalver voe samet,
Da vond da venez Kalvar da vit krusifiet
O velet an dud o redeg me gemer ma bugel
Ha me o vont da dal an nor pa ie en da vervel.

Setu Jesus o tremen neuze abiou va zi.
Pehini en tal va stal a deu da reposi,
Ha me lavarar dean gant eur gomz arrogant
Ke alesse euz va stal te zo eun den mechant.

Ganez eun desinoret gant da ifronteri
Pa o welan o reposi aman 'tal va zi ;
Kerz alesse den ingrat koz, sorser miliget,
Kerz alesse d'ar maro pe c'heuz he merited.

Jesus a respontaz d'in gant eur vouez truezuz :
Mont a ran da bartia, den fal den maleuruz,
Me reposo gant va zad, te valeo bepred
Dre bevar c'horn ar bed-man ac'han da fin ar bed.

Ia te valeo a c'han d'ar jujamant.
Hag e c'hoste deo d'am zad am velo suramant
O varni ar bec'herien pere voa kondaonet
Da vont d'ar flammou gries ar re just d'ar joaset

Pa gleviz komzou Jesus, va c'halon vo touchet
Ha me rei va bugale eun istant d'am fried,
Ma velis ar Veronic o sec'hi bizach Jesus,
Ha chom en e mouchouer e boltred truezuz.

Heb c'hellout n'em arreti e c'heuilis hor Zalver.
Hag e velis va Jesus ha kalz grazez santel :
Ar bourrevien d'ar Verc'hez o devez lavaret :
Setu ama an tachou ma vo o mab staget.

P'am boe gulet hor Zalver o vervel var ar groas
E kreiz etre an daou laer karget a boanniou bras,
Ha me kommans va beach gant kalz euz a anken
O tond da laret adieu da gear Jerusalem.

Sonjit 'ta Bretoned pegement a c'hlac'har
En deuz ar boudedeo brema var an douar !
Rankout kuitaat e gartier e wreg e vugale,
Hep kimiadi diouto evit atao bale.

Pa en devoe baleet eun nomp a vloaveziou
E erruaz en Egypt pell braz demeuz e vro,
Eno e ma ar Mor Ru elec'h moe tremenet
Moyses gant pobl Doue hep kavout drouk ebet.

Mond a riz euz ac'hane da ezezen Candi,
Elec'h emedi en noas an dud a zo enni :
Eno e velis eun tad o troc'hi a dammou
E verc'h evit sakrifis da rei d'o doueou.

Mont a ris da Malhodo e pelec'h e zeuz tud drol,
Pere a ador Doue hag an diaoulou holl ;
Pedi reont Doue da gaout prosperite
Hag an diaoul a bedont ne rai ket drouk d'eze.

Guelet e meuz er Japon eur vam meurbed kruel,
Hi deuz da laza, siwas e daou bugel
Er vro-ze e permetet laza ar vugale
Pa n'o deuz ket a vara da rei d'eze.

Goude kemeris an hent da vont d'an Enezi,
D'an Amerik d'an Asie ha neuze d'an Turki
Ar gragez euz ar vro-ze a vale d'an arme,
Hag an esac'h o deuz soign demeurez ar vugale.

Eno emedi ar c'hiz da laza ar baotred,
Nemet unan dre famill ne ve james miret.
Be a zo eur rouanez a ro komandamant
Da laza an holl botred hep kaout de nep damant

Eur ger euz ar garniol euz eur c'hiz drol meurbed
Rak eno an dud iaouank pa vezon eureujet,
E renko ar vreg iaouank nos kenta e eured,
Mont da gousket gant ar Prins vid bea enoret.

Bet on ebarz eur c'hoad hanvet Cisarín,
Elec'h ma c'heller bale kant leo d'an neubeuta
Hep kavet dour da eva na feunteun na rivier,
Ar pez zo goal inkomod da holl dud ar c'hartier.

Monet a ris c'hoas pelloc'h da gear a Vosopa
Pini zo euz e divoal eur prins euz an drola :
Ur vanden chas ha merc'hed en deuz evid gardou,
Ha n'en deuz ken soudarded evit difen e vro.

Ac'hane 'yis da eur gear hanvet Estopet
Elec'h ma zeuz serpantet ha loened vil meurbed
Zo ker teo ha korf eun den sur ma ven mesuret
O devez d'an neubeuta daou ugent troated hed.

Er spas demeurez a gant vloaz ez on bet o vale,
Ha me erruout adare em bro hag em c'hontre ;
Allas ! maro voa va greg koulz ha va bugale,
Ha den abet euz va bro serten n'am anavee.

Neuze e teuis da Rom ebarz an Itali,
En amzer-ze a oa kalz a c'hilac'har enni
Guelet a riz merzeria nomp braz a gristenien,
En defot na renonsent d'o feiz ha do lezen.

Me a vale var mor koulz a var an douar,
Ha me parliel neuze evit ar Frans, bro rar ?
E Marseille, Bourdel, Paris, Niort, Naoned Lyon
Ac'hane da Vreiz-Izel, dagear vrao a Raozon.

Guelet e meuz Montroulez ne voa nemed eur c'hoad
Ha guelet Brest ha Kemper ebarz an douar prat

Ha guelet ar gear a Is en e frosperite
Hag ar gear a Lexovi a meuz guelet ive.

Guelet a meuz Breiz-Izel en koat ha meneziou,
Ma zoat evel sovajet nevze ebarz er vro ;
Me a vel kalz a geariou er vro-se batisset,
A ra kalz a chenchamant abaoe ma zon bet.

Me vel ar gear a-Raizon eur gear gaer batisset
Dol, Gwened ha Sant-Malo, Dinan hag an Naoned
Sant-Briek ha Landreger, Lannion Montroulez,
Kastel-Pol ha Lesneven, ha Landerne ivez.

Ar c'heariou-ze meuz gwelede koat hag e prajou
Pa deuz d'ober va beach kenta ebarz er vro ;
Setu batisset Kemper Brest ha Rekouvrans,
Kemperle Moelan Keraez ebarz en assurans

Anfin pa oan kondaonet gant Doue da vale,
Me zo bet 'n em gavet e-kreiz meur a arme
Kanoliou ha fuzuliou, clezeou sabrennou,
Netra ne de bet kapabl de rei din ar maro.

Bet on ebarz en listri a zo bet perisset,
Hag an dud a voa enne a meuz guelet beuzet,
Ha me hanvet Boudedeo n'em bije drouk ebet
Komzou Doue a renko bea akomplisset.

Kondaoned e zon gantan da chom var an douar
Komprenet holl kristenien hema zo din glac'har
Va zourmanchou er bed-man biken na echuo
Ken a deui Doue da varn ar beo hag ar maro.

Ar som euz a bemp gwennek zo em godel bepred
James ganen ne seurt klenved ne deu d'em ataket
Bet on ebarz ar vroiou elec'h moa ar vosen,
Hep na zeuz staget ouzin na klenved nag anken.

Va boutou na va dillat james na uzont ket,
Dre bermision Doue a meuz bet ofanset
Peder gwech a meuz redet pevar c'horn ar bed-ma
Ha guelet a meuz ive kalz chenchamant enna.

Brema e zon komanset da redek ar bemped
Hep ne don ambaraset gant dibri na kousket ;
Guelet a meuz broiou zo bet holl revinet
Ha kalz demeurez ar geariou gant ar gurun devet.

Ne meuz bet kalz amzer evit chom da barlant
Me a gred e ma va zreid vargore glaou ardant
Nan, ne zeuz nemet Doue a elfe diskleria
Ar boanniou braz a soufran kerkent ma reposan.

Pebeuz maleur e dia-me bea bet rebutet
Demeuz a guichen va stal Jesus Salver ar bed
Pa voa o vont d'ar maro, da zond da ziskuiza
Ha me neuze dre valeur a zeuz de zispriza.

Ema e ar maleur bras a meuz var ar bed-ma,
Emon atao o vale ouspen trivec'h kant vla,
Ha c'hoaz e renkan bale a-c'han da fin ar bed :
Pedit Doue evidoun ma zin d'ar joasted.